

續碑傳集卷六十八

江陰繆荃孫纂錄

忠節十五

唐忠壯公墓志銘

方濬頤

公姓唐氏諱殿魁字蓋臣合肥人曾祖璧祖大經父夙儉世有隱德公賦性剛直好任俠咸豐三年粵寇陷金陵皖北盜賊四起公隨同劉軍門銘傳集鄉人申明大義以兵法部勒子弟賊來輒擊走之十年援六安解其圍拔補千總同治元年始應募隸銘字營駐軍滬上敘迭攻南匯川沙等廳縣功擢守備

賞藍翎又敘攻克南匯川沙金山衛奉賢柘林青浦各城並擊退虹橋賊功擢都司

賞換花翎二年正月賊攻常熟並踞楊舍福山各汛公航海抵福山先解常昭之圍進薄楊舍賊列陣相抗公身先士卒大軍繼之賊盡卻公乘勝窮追散中鉛丸深入肌理剗去之裹創復戰遂拔之

賜振勇巴圖魯名號擢游擊又擢參將

晉副將銜記名總兵是年十一月銘軍攻常州奔牛鎮踞賊邵之倫乞

降許之時舉南北三面合圍唯西通丹陽一路地險賊眾咽喉之地賊所必爭之倫雖以地獻必得我軍助守其心始固乃令公與副將黃桂蘭各率所部往公甫至而常州丹陽之賊果分道來犯力戰卻之自願兵單瀕河而營賊初不察虛實及夕偵之止二營乃率眾環攻公告桂蘭曰奔牛爲常州門戶我今舍此而去之倫必不能守則常州一軍危矣計唯有死守待援桂蘭以爲然相與誓師眾皆感奮水賊駕礮舟轟擊岸賊亦乘勢進薄相持二十餘日賊屢攻敗戕數百人而公所部五百人亦傷亡過半勢幾殆劉軍門銘傳襄創赴援苦戰數日士氣益振與援夾擊大破之追逐十餘里殲賊酋並悍卒無算是役也公以一旅之師拒水陸賊十餘萬忍饑寒甲志不少挫卒能會合援師保全要隘常州迎刃而下一戰之力也上功以記名提督

簡放四年四月統銘字右軍六營渡淮勦捻爲游擊之師日行百數十里公必前驅不以爲苦且戒其麾下將弁曰我輩布衣受國恩身膺將領一營之費月糜帑三千若稍耽安逸不思殺賊報國何以爲人效命疆場吾儕分內事死且不懼敢云勞耶聞者咸爲心動公平時撫循士卒若子弟然號令嚴肅有犯必懲所到之地體恤民

艱不令枉取一草一木民尤感之五年補浙江衢州鎮總兵遷廣西右江鎮總兵迨六年正月十五日與賊戰於天門之尹隆河爲賊所乘全軍盡覆公憤甚策馬直前手刃數十賊所乘馬中飛礮墜河力竭遇害年甫三十有六事聞議卹

贈太子少保銜

予諡忠壯國史立傳江蘇湖北及安徽本籍均建立專祠

賞騎都尉兼一雲騎尉世職公兄弟五人齒居四配宋夫人子治堯今福建陸路提督俊侯爲公之弟與予交莫逆持公之狀來告曰吾兄沒於王事忽忽已九年矣將以某年某月某日葬乞吾子爲文以彰其節傳示子孫感且不朽予弗獲辭爲之銘曰

以少勝多以守爲戰如公之勇足當一面功蓋三吳名達

九重盡瘁而已不尸其功兵貴神速有進無退忠哉壯哉甘陷危地公之靈爽助季平番險逾鹿耳威揚虎門義義佳城以窺以窺傳之千秋

視此貞石

高勇烈公別傳

李元度

高公諱連陞字果臣甯鄉人咸豐四年投效湘軍隸曾文正戲下歷保

千總

賞藍翎是年湘軍分三營蔣君益禮將左公屬焉六年會攻武昌埽平城外賊壘晉守備七年武昌復平蕪黃賊巢破賊小池口乘勝復湖口彭澤望江東流銅陵諸縣公皆在事有功晉都司奉檄充果勇營營官八年廣西寇急請濟師蔣君以知府帥數往援公從克柳州遷游擊又克慶遠遷參將十年守桂林有功

詔以副將用又攻克賀縣加總兵銜

賜號尙勇巴圖魯繼克潯州

詔以總兵記名簡放同治元年補左江鎮總兵當是時杭州已前陷曾

公爲兩江總督疏調蔣君援浙

詔改浙江布政使公遂帥師入浙從浙撫左公宗棠克壽昌進攻蘭谿

湯溪盡奪其要隘八年正月拔湯溪禽首逆李尙陽誅之進擢白龍橋

蘭溪賊棄城遁乘勝復龍游金華得

旨以提督用二月攻富陽時賊勢猖獗總兵熊君建益戰死公悉銳攻

勦八月克之十二月進攻餘杭斬逆渠鄧光明三年正月蔣君攻杭州

公會諸將昇巨礮轟城門城崩賊恟懼夜五鼓棄城遁餘杭賊亦遁浙

江平

賞穿黃馬鞋

命署浙江提督進攻湖州七月拔之殘賊竄福建時左公遷督浙閩疏調公援勦公遂入閩漳州久不下公至則大捷屢梟逆渠

詔換穆特本巴圖魯號漳州復再

賞玉決拾翎管大小荷囊火鑱諸品四年擢廣東提督適金陵殘孽竄踞嘉應州公帥師會攻拔其城盡殲逆黨粵賊平

詔賞雲騎尉世職甘肅回匪稱亂左公改督陝甘疏調公援勦

詔改公甘肅提督公至屢告捷破賊壘百數斬馘無算賊望風駭潰居亡何有叛勇之難楚軍之西勦也地殘破糧價翔貴又南人不諳麩食既而餉日絀麩食亦不飽黠者因煽爲亂八年二月二十四日部下副將鄧玉魁楊玉魁屯宜君縣總兵唐畢賢屯楊店三營同時叛出不意夜犯大營公遂遇害事聞斬兩玉魁軍中

優詔褒閔照提督陣亡例從優

賜卹

子諡勇烈

救殉難地方及本籍各建專祠入祀京師昭忠祠

予騎都尉兼一雲騎尉世職同時殉難者曰提督銜總兵黃君毓馥總兵銜副將賀君茂林同知銜浙江補用知縣謝君生春四川補用副將高君英舉等並

賜卹有差耐祀公祠

贊曰公束髮從戎名在天下顧不死於賊而死於叛將禍固常出於所備之外哉軍興論將才能與公比烈者屈指可數計若其死之獨異亦惟公有餘痛也烏虜莫之致而致者天也天實爲之謂之何哉

趙剛節公神道碑銘

黎庶昌

公諱德光字輝堂郎岱張氏少隸提督趙德昌戡下數從征伐冒姓趙有大功於黔黔之人皆樂稱趙氏遂不復改黔亂之興至同治五六年而極公嘗以孤軍枝柱省垣蔽翼三府七州十一廳縣之地勇冠三軍所向無敵中外皆以名將目之公亦自以討賊爲己任也咸豐六年始由勇丁征勦雲南回匪積功保六品軍功藍翎八年雲貴總督吳振械飭令回黔勦匪於平越一帶以千總拔補賞五品頂戴十年克復修文縣城擢都司

賈煥花翎苗匪踞獨山州城攻拔之北徇下羊場巴香直抵清水江削  
平四十餘壘明年破賊沙潭江口再捷於主戎山威名由是漸起  
賈蒙勇巴圖魯名號同治元年進攻王卡王卡者在清水江外賊之老  
巢也山箐深峭公得降人誦知賊以腰蘿溪新寨巖爲門戶旁則花巖  
梯子巖間道走蘿溪公分軍塞其旁別遣奇兵瞰寨巖後而建旗鼓自  
將當其前與賊爭山絮肩越壘以進氣銳甚遂奪王卡拔出男婦數千  
人追至尙太平毀賊寨而還眾聲大和  
命以副將留黔補用二年克復舊縣補都勻協副將記名總兵三年公  
方營東山平圖霸芒而省門告警率師回援縱擊於紅邊北衙大勝於  
永樂堡再蹙之小箐又以其間收復龍里與賊戰於城內江西街賊陷  
鎮西衛攻清鎮廣順定番長寨俱失公引兵而西連下數城出奇制勝  
所在戰克復北定開州修文賊逼青巖又南出貴定龍里黔西大定望  
援切巡撫張公亮基檄公往應公自開州橫出陸廣河埽蕩而前又以  
次戡定已而開修再失公憤禍變之靡已也益晉部曲而申討之警備  
不虞雖以記名提督迭署古州安義鎮總兵遙領而已方是時省之南  
則潘名杰省之北則何得勝二巨憝者卵翼其間又傳以苗教回狎黨

緣弱林羣盜如麻公提孤軍當四戰地數不滿六千頻年轉戰無一虛  
日餉餽匱竭至或忍饑赴敵露處於嚴風酷雨之中終日荷戈不獲一  
飽而含宏淵默未嘗一見顏色人咸以爲難愈益欽敬其攻賊也尤善  
爲超距鵬劫之法賊莫知所爲備皆畏懼之號曰鐵腳板云五年擢署  
貴州提督正月克復永甯州城踐血而西蹙募役司踔張官堡撥翁貴  
廣興撤賊而東趾倉坡踏舊縣搯黃土坎軍久無功張公令圖油溪公  
曰貴定百里皆賊雖有忠義永固諸團僅能自守一隅不足以牽賊勢  
某以孤軍深入而獲城洛白諸隘係賊藩籬無軍進討今張樑李心恕  
童三元等咸觀望不進使賊得專并一路乘我後軍此劉廣橋民屯所  
以被襲也兵則愈疲愈少賊則日戰日多況油溪在黃土坎後其能越  
寨進剿乎會暑疫回省其秋赴援安順追賊至頭鋪二鋪大破之安順  
圍解六年春再援定番出賊不備疾馳至穿心堡乘雷電中奮擊士皆  
殊死鬪賊大潰墜崖墜樹死者以萬計斬賊酋許八大等進迫花山降  
二十餘屯直抵底季登山營兩峰間斷賊樵汲遂拔陳喬生逆巢聲威  
大震遠近快之

賞換博奇巴圖魯旋密疏奏保按察使鮑桂生請破格擢用



上以公武臣擅保文員

命傳旨申飭郎岱賊入安平公乘勝要敗於蘆荻哨日加晡率數騎渡河度地勢驟中伏鎗墮馬從者驚潰賊出剖心裂腹攫公首以去同治六年七月初五也年纔三十越二十日趙德昌所遣守備楊嗣基接應公者至公死所賊猶未退眾皆痛憤見紅巾賊十餘負公首疾馳嗣基揮騎窮追及之沙子哨悉數殲滅奪回事聞

上悼惜殊甚加太子少保銜照提督陣亡例

賜卹死事地方及貴州省城郎岱廳原籍建立專祠

子諡剛節

賞騎都尉兼一雲騎尉世職曾祖某祖某考某

贈振威將軍妣某某氏皆一品夫人配雷夫人生子甫彌月耳某年月日葬某里某山公之行軍也一以愛民爲主有警卽赴如患難之在其身以故百姓戴若慈父母諸路告急皆求提督親行一聞公至相率輸豬雞菜果或炊飯以待及其卒也士民皆巷哭失聲悲痛至不忍聞嗚呼忠且仁已銘曰

世變之興利賴賢哲文武同涂有殄斯滅黔亂紀餘孰爲其烈文則銅

山武則剛節惟公首出光嶽所分將材天授匪由學廩粟姚冠軍氣吞  
凶逆匹馬入陳萬夫辟易人方卻退公獨撼堅眾如振槁公屹若山爲  
民復讎視如家事有功莫居遇險弗避嗟我黔士君子六千豈無軀命  
誓與同捐感公忠勤不忍背畔萬棘千艱其濟時難中道而脫隕此長  
城震驚邊徼人喪父兄莫敖衛楚不知所益決腹斷脰以憂社稷公實  
近是大勇忘身千載墮淚視此刻文

甘肅甯靈廳劉忠壯公祠堂碑

周壽昌

咸豐朝粵寇捻寇庚續造亂海內無敘宇時回匪起於秦未熾也迨同  
治初兩寇平而回患迺肆湘鄉劉忠壯公初以廣東陸路提督統湘軍  
勦捻入關清陝北而陝甘兩地逆回尙陷靈州公乃由定遠率兵入橋  
甯夏大薊花馬池踏下橋大搏靈州州城復公更甦賊於金積堡老巢  
金積堡者隸靈州地險而壤沃自古西寇犯邊若西夏河套之患與宋  
明相終始卽此地也公屢削堅壘賊決黃河從上流灌營幾浸沒公隨  
法堵禦督攻馬五寨夷其隘忽飛礮中左脅諸將士鼻歸相向哭公叱  
曰丈夫死得報

國何哭爲君等第努力滅賊後輿尸歸卽死不恨矣言訖而瞑同治九

年正月十五日也事聞

天子軫悼

贈太子少保

子諡忠壯

特命公從子今少司馬錦棠接統其軍血戰期月卒禽馬化澂父子劇其心以告公靈而回亂次第就夷相國左恪靖侯入都與余述及公必往復悲歎謂公忠毅敦實喜功讓能而沈識遠慮超物表尤能銷患未萌同治七年環慶平涼聞爲回所陷北山董福祥張俊李雙梁者皆材武忠傑無能自達糾旅自固公乘間招出之降其眾十七萬餘人而董福祥今爲名將公之殉難金積堡也堡中時聞戈馬聲如潮水怒沸月常數次賊不敢解衣臥是年十一月十六日夜半平涼城外大聲震山谷予時徘徊帳中覺有異旋報是日馬逆就禽毅齋從公習軍事好學禮士誠懇無飾而武勇健捷尤出意量外天山積雪彌漫平日鳥飛半墮葉落不墜毅齋與番人戰必身先士卒躡其巔以氈裹身雕擊而上轂輓而下番人目擊心悸驚爲神不戰而伏蓋天生異材也靈州故巖疆予奏以甯夏水利同知分泄之改名曰甯靈廳卽其地建祠祀公

兩廡祀殉難諸將校劃荒絕地二百畝充祀產永不廢壽昌因思公  
之生而治兵其地也可以靖一時之亂公之沒而血食其土也可以靖  
萬世之亂非但以雲車風馬盪摩悚惕也其平日篤棊誠摯淪浹既深  
勳名之赫赫又昭徹於聽觀故瞻其廟而效節赴義之意油然而生  
入其庭而震動恪恭懍乎戢其慝志而罔敢渝隕詩曰饒假無言時靡  
有爭又曰來假來饗降福無疆其赫聲濯靈以保我後生者獨一時然  
乎哉祠成左公及毅齋屬壽昌爲文其碑而聲之以詩詩曰  
北倚賀蘭東互黃河天設茲險巖峻峩峩公之殄戎歸神於此公之崇  
祠有秩其祀爰朱其桷爰丹其楹俎豆告虔暨於百靈黍稷翼翼迄降  
康年河流渾渾沛澤窮邊生不私己歿不恤身祠宇千禩用福我民綏  
此萌隸娛爾童叟祭祀祀先視此敢後公功無儔公業有繼載歌詩  
以永勿替

又劉忠壯公別傳

李元度

劉公諱松山字壽卿湘鄉人生有智略應募入老湘營隸王壯武奎麾  
下咸豐六年從克永明江華敘外委七年從克郴州桂陽擢千總  
賞藍翎進剿湖北崇通蒲圻以功

賞守備銜充第四旗營將從援江西八年克廣昌樂安晉都司會壯武卒軍張忠毅運蘭代領其眾公從戰臨江吉水功最遂復撫州建昌及南豐遷游擊

賞換花翎賊自閩回竄江西犯新城分黨陷安仁公從解新城圍遂克安仁遷參將粵賊何觀保李榮澈等踞連州公從忠毅往會剿赭其巢殄賊數千禽觀保榮澈暨偽官五十餘人連州平九年自江西轉戰至徽州屯祁門會羊棧嶺賊萬餘人白盧村來犯公首陷賊陣蹀血酣鬪賊大潰奔亡何賊悉悍眾竄踞浮梁及景德鎮六月諸軍攻景德鎮破之窮追三十里將抵浮梁阻於水有橋三賊擁不得卽渡因反鬪城賊出乘之時我軍頗亂次人騎不相屬公獨帥所部扼東橋力戰卻之遂拔浮梁是役也微公幾失利

詔以副將補用十年論連州功

賞加總兵銜及志勇巴圖魯名號十一年從張忠毅進剿徽池克建德

彰

詔擢總兵三月攻徽州分屯民村夜過半賊出劫營呼聲震屋瓦諸軍驚潰公獨帥所部山立不動月下遮諸軍告之曰我第四旗劉某也列

隊在此請無奔奔則爲禽矣軍賴以全公自是名出諸將上督師曾文  
正以國士待公自此始未幾徽州復并復休甯黟

詔加公提督銜同治元年二月賊圍徽州公從張忠毅赴援圍解得  
旨下部優敘四月從克旌德十月忠毅以疾歸曾文正檄公與壽州鎮  
總兵易公開俊分統湘軍守甯國會大疫病者什七八公加意拊循士  
皆力疾戰守二年八月賊犯涇公帥師迎擊敗賊於金村又敗諸李村  
會粵賊號花旗者來襲郡城公馳還擊走之當是時皖南羣盜如毛逆  
渠楊輔清古隆賢賴文鴻等各擁眾十數萬聞公赴涇謀潛師襲甯國  
不知公已還也公遣將夜出南門設伏敬亭山下又分所部出西門嚴  
陣以待遲明賊大至公啟北門鼓譟出賊驚卻墜溝死者亡算悍賊仍  
死拒適西南諸將追賊至夾擊大敗之南門賊亦敗遁歸路爲伏兵所  
截前阻大江溺死過半九月克甯國縣

詔賞正一品封典

命署皖南鎮總兵四年補蕭州鎮尋調皖南粵逆已蕩平而河南北捻  
匪方棘曾文正以使相督師奏調公總理營務六月師次臨淮七月易  
公開俊以疾歸公遂總領湘軍與捻賊回賊相終始矣湘軍之平粵逆

也首尾十二三年步卒積功至專闔以千百計久役思歸休又南人不  
慣麥食聞勦擒率不樂隨征雖文正亦以軍士積勞久擬資遣或別募  
生力軍不強擊以從獨公投袂起立帥所部渡江有譁餉不肯北渡者  
公廉得其魁誅數人而事定五年二月公帥師自蒙亳潁川進勦河南  
時逆渠張總愚牛洛紅等謀竄山東公急趨濟甯賊回竄徐州四月賊  
擾湖團公會淮軍擊之大捷賊竄豐沛及睢甯公自徐州過之改竄銅  
山五月敗賊於魏家莊六月追賊至西華賊分道並出公力戰逾時賊  
敗遁追至上蔡之雙廟禽斬亡算賊伏千騎萬金塞旁圖截輜重公與  
總兵李祥和等夾擊大破賊進攻雙廟賊悉眾迎敵敗之追奔至洪河  
淹斃數千餘賊遁追及鄆師之召陵又破之七月大破賊於南陽新野  
得

旨下所司優敘張總愚既不得志於豫乃西犯秦眾十數萬十二月公  
奉檄援秦六年三月

詔擢廣東陸路提督時曾文正已解兵柄代之者爲使相李公鴻章張  
總愚犯同州朝邑陝軍迎擊於灞橋失利公帥步卒數千疾趨入關及  
賊於晉成堡姜彥村張兩翼前進賊敗追至許家莊小壕奪其堡賊仍

糾黨旅拒勢張甚公督將士血戰四時之久賊大奔同朝圍解  
優詔賞玉柄小刀火鑷大小荷囊諸珍品秦中自同治初元逆回構亂  
所屬無甯宇益以捻禍官軍屢被挫會城岌岌公至一戰解同朝之圍  
大局以定然賊燄尙熾也七月公會諸軍追賊蒲城東北敗諸索家村  
又敗諸昌甯村追至富平殪賊二千有奇賊奔三原踰高陵沿渭水北  
岸晝夜東走公追及數敗之九月賊陷綏德州公攻之急棄城遁十一  
月賊由宜川踐冰渡河遂入山西陷吉州鄉甯公疾馳數百里一戰復  
吉州鄉甯賊聞公至走河津稷山攻其城垂破矣公掩至賊又敗奔十  
二月追賊至平陽喬李鎮敗之賊趨洪洞公夜帥所部繞出賊前攻原  
店賊巢詰旦壓巢而陣賊慮公軍追躡不意出其前也睡夢中驚潰追  
擊至康衢阻小溪賊馬步爭渡陷淖中禽斬亡算賊遂回竄平陽絳絳  
縣出橫嶺關東犯直隸清苑境矣時陝甘總督左公宗棠帥師入衛檄  
公繞越太行出賊前七年正月公冒雪兼程進日行百數十里抵保定  
直督以聞

命交部先行優敘賊擾獻縣商家林公擊敗之賊竄深州聞公至復西  
南竄公破賈家村賊巢十餘處賊走祁州公回軍追勦會援賊至我師



馬隊中斷公以步軍力戰敗之追至博野南鄧村賊圍總兵郭寶昌營公揮眾馳突賊大潰窮追至深州禽斬萬計賊繇晉州竄渡滹沱河公追及河干未濟者悉殲之賊既南渡畿輔乃得解嚴捷聞

賞換達桑阿巴圖魯三月敗賊於滑縣陽武延津等屬又敗賊於彰德

四月左公奏請以公充步軍翼長公追賊至海豐陽信越武定抵鹽山

滄州連敗之遂與淮楚各軍塹長濠楷賊七月擒匪平

賞穿黃馬褂及三等輕車都尉世職尋奉勦逆回之命而公馬首復西矣十一月公帥師入陝先是關隴回亂土民自相團結與回鬪及敗散無所得食因流為土匪非其志也公至議先平土匪乃可專力於回十二月匪目董某張某等啟軍門乞降計十七萬餘人公悉資遣之取其壯丁以運米並請振榆綏延廊各郡難民全活無算八年二月所部駐綏德者為會匪所誘叛踞州城公馳歸斬倡亂數十人部卒縛首逆降綏德復公坐失察奪職留任八月帥師度隴東越花馬池進勦靈州逆回破李旺堡黑城子等處堡寨凡數百遂復靈州優詔開復處分十月克里仁渠大小九寨又克吳忠堡三十四寨逆渠馬化澂竄踞金積堡十一月破近堡二十餘寨公遂駐軍吳忠堡以規

金積九年正月騎賊數千自胡家堡竄秦渠南踞石家莊空堡及馬五馬七等寨公以地勢在所必爭馳抵石家莊賊於西南面築堅壘三乃麾軍三路奮擊各指一壘破之賊竄入馬五等寨公令逼寨築壘設長圍困之賊出馬步二千餘來援公鏖戰破之斃悍賊千餘奪馬百餘匹敗賊竄胡家堡十五日進攻馬五寨薄外柵一鼓而登守柵賊無脫者公縱火焚寨門策馬督攻益急忽礮彈中左乳墜馬親卒掖之歸猶大呼整隊毋亂行諸將憤甚卒破馬五寨及入視公張目曰我受國厚恩未能報卽死毋遽歸我喪當爲厲鬼助君等殺賊也言訖而隕年三十有八狀聞

上震悼命旣提督陣亡例從優議卹

予諡忠壯

贈太子少保銜

賞騎都尉兼一雲騎尉世職入祀京師昭忠祠並於陝甘等省立功地方建專祠以所部陣亡員弁耐事蹟宣付史館櫬歸著沿途地方官妥爲照料又

詔本籍建專祠十年金積堡平公櫬尙未歸

穆宗追念前功

命賜祭一壇十二年關內肅清

詔加賞一等輕車都尉世職嗣子肅兼襲公天性忠勇寬而有制嚴而不殘治事條理秩如自結髮從戎平粵匪擒匪回匪戰績徧十三行省枕戈十八年僅歸里一次後屢乞假省親及歸娶皆不果同治五年婦家送女至軍中而公轉戰無定所妻父攜女厯湖北江皖皆不遇至七年僑寓中州以待會公援陝道出洛陽始成禮而羽檄日數至相聚旬日遽別去每語及時局艱危輒義形於色不復知有身家性命方捻寇之入秦也曾文正飛檄別將往援不赴改檄公聞命卽行文正密疏薦公忠勇樸實可倚平寇且云臣實感而敬之左公疏稱公保垂危之秦救不支之晉又速衛

神京以步當馬爲天下先其剿逆回也無戰不克西甯回目馬朵三潛以千五百騎助馬化澂疊爲公所敗未而月折其大半遁歸自此西甯河州及臨洮靖遠諸回酋均不敢援化澂其威震西陲能使賊聞風膽落實奄有古名將風烈云

贊曰詩有之靡室靡家玁狁之故霍去病亦云匈奴未滅何以家爲兼

之者其公平公既誓爲厲殺賊及官軍平金積堡訊俘稱公靖節後夜輒聞戈馬聲如怒潮湧至賊疑官軍來襲莫敢解衣臥左公駐平涼時夜半忽大聲嗚嗚震山谷察之了無所見左公裴裒帳中覺有異未幾捷書至是日馬化澁就禽矣烏虜日星河嶽之氣固當歷劫不磨哉

劉公松山字壽卿湖南湘鄉人也

朱孔彰

少沈毅寡言語克勤於家鄉里長者有所命無不應因是父老皆愛之咸豐初粵西寇犯長沙既東下湖南州郡騷然土匪煽亂縣中賢豪舉義旗練丁壯公應募始毅然有討賊之志隸王武壯公鑫部下號老湘營轉戰湖南北江西諸行省歷有名績王公既歿則從張公運蘭戰於饒信諸郡景德鎮之捷諸將窮追三十里將抵浮梁阻水賊反鬪城賊出乘之幾殆公獨帥所部扼東橋血戰卒拔浮梁尋追餘寇於閩邊別擊逆黨於廣東廣西積功擢至副將上年曾文正駐祁門檄老湘軍及霆軍防勦宣歙僞忠王李秀成僞侍王李世賢率數十萬賊眾以大圍困祁門糧路不通月餘文正親率老湘各軍攻徽州冀通浙米各軍分駐民邨夜半賊出劫營眾驚潰公獨率部下禦賊堅陳不動遮諸將告之曰毋恐我第四旗劉某也眾徐定

文正由是知公公由是名出諸將上蹀血二年既克徽州甯國兩府張公運蘭以疾歸湖南公與易總兵開俊分統老湘營之半爲特將堅守甯國涇縣各城屢破巨寇以底於江浙大定時文正裁湘勇進淮勇獨留公老湘一營以公忠勇可恃也同治四年文正奉命勦擒賊擒賊者始於安徽河南蔓延於秦楚燕齊其叛亂稍後於粵匪而梟悍略同其步隊少於粵匪而驍騎逾萬剽疾過之湘軍貫戰江濱未習車騎馱運之勞不樂北征獎之而不勸痛之而不服公獨感奮請前部卒不願北渡者殺數人而事定師至臨淮易總兵以病歸公遂統全軍萬人進勦河南公以勦擒賊與粵賊異宜乃講求其法曰整隊伍迅行走所至以聯絡民圩爲務又勦結方陳橫行寬數里騎賊雖抄入陳弗爲動會賊渠圖竄山東公急扼濟甯賊回竄徐州數敗之尋敗賊西華上蔡追及召陵又敗之大膊於南陽新野豫軍宋提督慶被圍公馳救以免由是兩軍和好以力戰相勸文正嘉歎以爲符師克在和之義五年十月擒匪張總愚自汝走宜陽永甯入陝西商州犯華陰是爲西捻十二月敗陝西官軍於灞橋三十餘營皆潰遂圍省城於是文正檄霆軍往援不赴改檄湘軍公投袂卽行時文正奉

命自周家口回江南解兵柄聞賊擾秦心疚甚既聞公星馳抵西安一戰解同朝圍眾聲大和文正感且敬之密疏言公忠勇樸誠堪倚平寇朝廷亦絕重公藉紆西顧憂矣六年二月大破賊於西安又攻郿破之公先索功擢花翎提督銜肅州鎮總兵調皖南鎮

賜號志勇巴圖魯至是擢廣東陸路提督敗賊於蒲城富平躡三原越高陵拔綏德賊自宜川渡河關山西陷吉州鄉甯公立復之追殲至洪洞夜纜出賊前大破之賊遂道平陽出橫嶺關東犯保定公冒雪兼程進日踔百數十里先入援

天子壯之下所司先行優敘當是時公名聞天下賊至河間掠得美女成昏遲一日進犯公遂及之戰於獻北賊大敗走抵祁州馬隊卻公督步軍疾戰又敗之追及博野賊自深州南渡滹沱畿輔解嚴

賞換達桑阿巴圖魯公乘機逐北自彰德抵鹽山滄州會諸軍合圍躡之擒賊平

賞黃馬褂

錫三等輕車都尉世職陝甘總督左公宗棠奏曰臣嘗私論曾國藩素傳知人晚得劉松山尤徵卓識劉松山由皖豫轉戰各省曾國藩常足

其軍食俾一心辨賊無憂缺乏用能保垂危之秦救不支之晉速衛畿輔以步當馬爲天下先此次巨股蕩平平心而言何嘗非劉松山之力臣以此服曾國藩知人之明謀

國之忠實非臣所能及仰懇

天恩宣示中外以爲勗臣有用人之責者勸七年七月公奉征甘隴逆回之

命公入秦竭六晝夜之力降北山土匪十七萬有奇無何所部留駐綏德者爲會匪所誘叛蓋以久勞未息故也公威信人人深馳抵州斬倡亂者數十人而事定乃提師渡隴東越花馬池進勦靈州破寨堡數百復州城逆渠馬化澀踞金積堡公連鏟五十餘寨賊勢大熾九年正月望進攻馬五寨自督軍士舉薪燒寨門飛礮中左乳落馬軍士負入破屋諸將聞公受創皆奔視環泣公叱出戰諸將憤怒陷陳立俘馬五平其寨報公公曰吾傷重不復生汝等殺賊報國吾死不憾矣遂薨春秋三十有八狀聞

詔從優議卹

贈太子少保諡曰忠壯

賜祭葬祀京師昭忠祠

敕陝甘諸行省暨本籍建專祠是年冬金積堡平

命賜祭一壇及關內肅清

加賞一等輕車都尉并爲男爵以從子肅嗣公行軍篤守王壯武家法將戰先召諸將集謀各手一圖以示奇正分合明日戰無不如約者因是知諸將才否曾文正嘗令諸將效之初公征捻統五千人後統萬餘行陳和穆優劣得所雖諸葛之稱向寵無以過也而其忠義奮發絕不以身家爲念尤足激士氣而勵軍心當公之平西捻也年已三十餘聘婦未取婦翁送女至洛陽成婚禮居旬餘卽提兵入潼關文正初擬疏請給假數月聞公已卷旆而西尤敬異之非所謂公爾忘私國爾忘家者邪其趨靈州定策直搗金積堡由是事機轉順廓清西陲故左文襄陳奏追念前勳爲之隕涕其後兄子錦棠接統其眾克承先志肅清關內外稜威天山豈非公之遺烈也哉

評曰昔霍嫖姚有言匈奴未滅臣何以家爲余觀忠壯公託志忠雅殆有過焉世傳公歿後金積堡中聞千軍萬馬聲常夜驚豈非毅魄忠魂爲



國殲賊公之英靈不泯歟

陳繼聰

領隊大臣保恆公傳

保恆公滿洲人。噶老將。久鎮西陲。所在以恩信著。同治三年。署古城。領隊大臣。值回匪亂。連陷南路各城。並陷烏魯木齊。迪化州圍攻甯夏。鞏昌勢甚披猖。公知賊必東犯。而古城舊無倉儲。兵食皆取給奇臺。乃卽設策。運糧儲峙。城內預爲之備。六月二十日。寇至。公集軍民反覆喻以大義。聲淚俱下。聞者皆激勸奮發。人人有殺賊心。出戰大捷。賊退而西遁。無何。鞏甯失守。賊復來犯。維時滿營額兵千。人多換防。南北路在古城者。不及其半。賊眾四千有餘。復糾烏魯木齊逆黨。晝夜進攻。公督軍登陴。以兵數不足。下令兒童僕隸皆編入卒伍。婦女則韉而從。分防各門。誓以死守。會公升哈密辦事大臣。兼署烏魯木齊都統。以事急。未能赴任。乃與新任古城領隊大臣惠慶同心協力。聞出奇兵擊之。迭挫兇鋒。俄而公以積勞成疾。至十一月病益劇。彌留時。謂惠公曰。古城北通蒙部。爲烏科兩城咽喉。無古城。北路危矣。言訖而卒。年七十餘。闔營無不慟哭。而城圍終不解。惠公竭力禦之。賴公在時。綢繆巖疆。困中積有餘糧。士得不飢。賊築礮臺八座。又屢次以地雷潛攻。皆爲我軍堵截。

城竟屹然無恙先後禽斬黃衣紫衣賊目四人逆眾死者不下二千越  
明年二月初五日賊地雷大發轟壞西北角二丈餘城遂不守士猶裹  
創巷戰婦稚亦縛柴斧於竿頭相拒闔城死者無算惠公與妻妾一女  
舉火自焚而公之妻女子婦亦赴火死此役也賊雖攻陷古城而被創  
特甚不暇他竄故烏科藉以無虞皆公與惠公戰守之力也惠公亦滿  
洲人由二等待衛出爲庫爾哈喇烏蘇領隊大臣調鎮古城後哈密協  
辦大臣景廉以公與惠公死狀聞於  
朝公卹如例惠公照陣亡例賜卹

贈都統諡壯節

論曰保惠兩公皆絕域忠臣也此時逆回勢張塞外大都會如伊犁烏  
魯木齊俱被賊所圍困而古城地小兵力弱外又絕無援軍兩公誓死  
捍禦屢挫兇鋒堅持年餘方陷而闔城男女亦慷慨願共死無一倖生  
苟免者嗚呼非二公忠義有以激之烏能如是哉

威節愍公別傳

朱孔彰

威公應洪字曉廷初家貧甚爲人傭會軍事興應募入虎威營從提督  
田興恕追賊至贛州之殷家嶺甫交綏賊佯敗興怒怒馬直前伏賊四

起圍之數重應洪率三百騎馳救之遂翼與恕出重圍論功授把總出  
是每與賊遇賊懾其先聲輒披靡積功至參將旋隨興恕援黔駐師黎  
平之潭溪時賊據青龍嶺與巢峭絕壁立各隘皆壘石嚴守公購土人  
爲嚮導由閒道繞出其背攀蘿緣絕壁而上直擣其巢賊顛崖踏死無  
算卽乘勝徇各砦苗酋梁維幹余老柯唐義輔等相率乞降遂復古州  
同治三年粵賊李復猷竄臨平之洪州勢甚盛公率游擊雷三佳以五  
百人赴援遇賊於峽溫徑狹菁密僅容一騎卻而復前者三賊奪氣回  
洪州阻水爲營兼旬保險不出潛於昏夜偷襲我營火逼帳起營卒大  
亂公奮臂大呼手格殺數十人而死事聞

贈批督銜

賜卹

予諡節愍給騎都尉世職

命於黎平建專祠

楊武愍公別傳

未刊彰

楊公玉科字雲階寄籍雲南麗江其先居湖南善化旣貴後奏還祖籍  
同治初以義勇入滇營三年卒公毓英征曲靖見部將顏雲芳戲下有

卒騰蹕陷陳以一當百詢問卽公召與語奇之拔爲隊長保千總旋充  
營官公由是感激效死所向有功旣克曲靖以五品軍功護理維西協  
篆從岑公克霑益馬龍援昭通生禽僞元帥阮三斬僞王鎖朝升於陳  
六年五月從克鎮雄禽首逆白金品八月從追賊於雲貴四川三省界  
連之豬拱箐禽僞王陶三春又破賊於海馬姑殲首逆張項七逆黨三  
萬餘悉解散補游擊八年平柯渡可耶賊擢副將從援省城時回勢披  
猖號三十萬環省垣西南北賊壘延袤十餘里省東之江右館石虎岡  
賊礮林立悍回馬添順踞尋甸城與相應岑公令公率偏師繞四川會  
理攻武定元謀大姚祿勸定遠白井易門皆下之遂解省城圍擢總兵  
九年與諸將黃文學李維述等分攻姚州永北鎮南公功爲最補雲南  
開化鎮總兵黃文學克永北而亡諸將乞休岑公乃令西北各營皆統  
於公嘗戒其勿暴虐勿妄殺授以春秋與論兵事至夜分不倦公於迤  
西各城山川險夷瞭如指掌岑公歎爲名將因令直擣迤西遂連克麗  
江鶴慶劍川浪穹鄧川賓川永昌

詔記名提督十一年正月克永平三月克漾濞四月克雲南縣五月克  
趙州

賞穿黃馬褂

予一品封典遂抵大理大理東臨洱海西倚蒼山自回酋杜文秀竊踞十有八載內築土垣包偽禁城其中堅且厚公穴地道蟄場東南城率軍士乘缺口衝入賊踞土城猶死拒復用地雷破之斬級二千餘公屯內校場蓮花池增調五千人環攻偽城文秀糾死黨出戰公親擊之賊死五六千人文秀敗入偽城飲毒死文秀黨蔡廷棟昇尸以獻氣息猶屬卽割其首解送省城時岑公軍次紅崖距大理百二十里十二月甲寅岑公至部署撫事蔡廷棟楊榮佯稱乞款陰埋地雷於行館欲害公與岑公岑公偵知之令公率二百人先入公潛至偽府據礮樓大呼二百人出戰礮發岑公所伏兵乘夜梯登入偽城與公軍合巷戰竟日官軍傷亡千計賊死者萬人辛酉賊焚偽府奪門出走大理三城皆克獲文秀幼子三女一其黨魁楊榮蔡廷棟等百三十人皆伏誅大理平賞騎都尉世職十二年二月辛酉克錫臘甲戌克順甯四月庚戌與蔡標克雲州光緒元年署雲南提督叛將蘇開先踞騰越作亂公率師討平之

旨加一雲騎尉世職全滇肅清改爲一等輕車都尉追錄前勳

賞頭品頂戴旋以兼襲叔父世職并爲二等男爵二年移廣西右江鎮調廣東高州鎮總兵後以事鐫級兩江總督劉公坤一奏請改留兩江上從之十年廣西巡撫潘鼎新奏調公率師出鎮南關法人攻諒山戰歿

賜祭葬

贈太子少保銜

子諡武愍雲南及鎮南關建專祠公大小數百戰屢瀕於危庚申永昌之陷初爲馬雙元所得雙元時爲僞大將軍公察其人可以言動因勸自拔雙元曰我等失身於此非得已遂結腹心屬他時得志相援手乃餽公金給憑縱歸後同治十年雙元約降內應克永昌公亟薦保竟爲干城之將公之攻大理小關邑也回酋詐降設座禮拜寺迎公公人心動命移座心動如故命再移之須臾地雷發得不死伏賊四起公手刃二人馬雙元等以死護公出因屠小關邑公自練鄉團戰鶴慶後破迤西城皆數百禽悍酋數千斬逆回數十萬皆公功也同治季年入都先皇詢滇池戰狀視傷痕惻然軫念光緒初今上召見皆

賜克食左文襄奏公爲邊才之選惟性好勇而嗜殺嘗殺人報仇岑公惜其才釋不問家素封豪放至上海與貴人爭買名姬白凝脂色藝無雙以萬金爲聘錢姬不肯從蓋聞公嘗鞭撻健兒有擊落美人齒事然公爲國捐軀如夫人牛氏明大義殉焉初公手錄有從軍紀略二卷後猶子汝翼又爲續錄一篇紀諒山戰蹟云部將名者徐聯魁劉映豐從公死於陣蔣宗漢後會馮公子材復諒山丁槐與法人戰臨洮皆有大

功

嚴把總史游擊逸事

彭泰報

前綏遙把總嚴景輝高州鎮標游擊史鵠傳者皆失其里貫道光十一年冬湖南猺趙金龍反廣東八排猺乘亂出剽掠提督劉榮慶以兵三千駐連州兩廣總督李鴻賓意楚亂定八排無所恃當自戢儻事張或不能已於勦則長短易見且餉出無所歸也於是提督數議勦數請益兵不許明年四月湖南平總督乃奏巡江隄略曰廣東省城西北南海縣一帶濱江圍基最爲要害三水清遠與南海接壤亦多圍基本年春雨過多夏汛防其沖潰臣擬於本月底由省前往察看督令加高培厚清遠距連州僅三百里恐駐劄文武員弁日久生懈臣卽由清遠順道

前赴連州察其勤惰加以諭誡俟湖南勦捕全竣酌量撤兵歸伍遂以  
五月十三日至連州初獠人貿易山外者與近山民夙構釁比旱荒無  
賴者輒爲盜官不能禁或進策於署連州事秀山言八排掠食報怨非  
楚寇之比嚴景輝爲把總時素得獠人心遣說之可無煩兵下也乃卽  
家召景輝景輝五日中徧歷八排排各以其長一人出聽命秀山留七  
人造一人還山約十日合六十四小沖頭目並出降還者失期總督已  
至軍秀山請斬七人軍前而以禽獲奏諸獠大譁景輝闔門皆遇害史  
鵠者驍勇能撫士先隨提督在軍景輝死獠亂不可遏總督乃倉卒議  
勦益調兵六千餘軍無糧臺兵皆覓食村落二十二日三路入山提督  
率總兵余得彪游擊秦裕昌由茂古峒都司富貴署都司羅光燦由白  
沙汛署游擊王玠守備郭克岐由車田汛參將富倫布由大桿頭署參  
將烏林由茂古岡五隊兵三千四百人爲中路勦軍寮排前總兵得志  
游擊謝國榮多隆武都司馬全兵千四百人爲東路勦大田坳陽山知  
縣師廷蘭候補府經歷倪澧巡檢吳象坤以民兵九百人繼之鵠與副  
將梁志凝爲西路勦黃瓜沖諸小排鵠當先斃賊四十餘會日暮無安  
營地撤兵出半途有他隊敗卒環跪乞救鵠麾軍退獨轉鬪遇賊百餘



刃未接皆披靡散走對厓梟賊三霍雷觀望鵠馳上斬一頭繫腰左復  
斬一頭繫腰右追其一至山巔山後賊大至遂死之是夜余得彪軍  
於火王玠焚死越日謝國榮中石死三路皆失利總督奏提督劉榮慶  
未嫻戰陣年老重聽部議革職尋獲重譴鵠與玠國榮隨例請卹而景  
輝事無由上聞軍中言二人無不跼足悲歎七月戶部尙書宗室公禱  
恩盛京將軍瑚松額與諸大帥先後自湖南來宗室公兼總督合兩粵  
黔楚兵萬三千且勦且撫九月告蒞事費餉銀凡七十八萬六千有奇  
奏功候補直隸州知州秀山迴缺先用戴花翎

書李廷揚死賊事

梅曾亮

道光二十七年十月湖南賊起新甯擾廣西界巡撫鄭公檄守備李廷  
揚往覘賊時賊已連土賊據西延勢張甚而廷揚卒僅三百人或謂廷  
揚君奉命覘賊耳宜視可否進退廷揚不顧進戰死其所殺賊獨多賊  
創之殊甚鄭公哭之以詩烏乎小敵之堅大敵之禽也使鄭公知其能  
以死自效者必多與兵或使各他軍進必不死且殲賊而以英烈之夫  
爲鼠子餌也此鄭公所以悲悼深悔者也廷揚字步墀句容人先以武  
進士留京師曾亮與同郡數喜過之獨見其重然諾恤貧交守身廉儉